



نزيف العمر

شعر

د. باسم سمير اسحق

نزيف العمر ..
د. باسم سمير

شعر

نزيف العمر ..
د. باسم سمير



002 - 01061635162

002 - 01503570075

ranyhmtwlyblat@gmail.com

رقم الإيداع: 2023 - 26599

التسجيل الدولي: 978-977-94-7764-0

تصميم الغلاف الفنانة / منى شومان

إن الآراء الواردة في هذا المصنف لا تعبر بالضرورة عن آراء وتوجهات الناشر وإنما تعبر عن رأي المؤلف فقط..

يمنع نشر، أو نسخ أو ترجمة هذا المصنف أو جزء منه بأي وسيلة تصويرية أو إلكترونية أو ميكانيكية بما فيها التسجيل الفوتوغرافي و التسجيل على أشرطة أو أقراص مضغوطة أو أي وسيلة نشر أخرى بما فيها المعلومات واسترجاعها بدون إذن كتابي من المؤلف طبقاً لقانون حماية الملكية الفكرية رقم 82 لسنة 2002 والقوانين المماثلة لها.

الإهداء

لى ...

" روح ابى "

لى ... زوجتى، وأولادى

لى .. الشاعر الكبير / شريف أنيس

الذي قدم لى يد العون والمساعدة

و. باسم سمير اسحق

□□ ابني يا مصري

إبني يا مصري و إوعى تهد
اياك تستسلم قاوم و صُدْ
عالى الموج و شديد المد
ما حدش وحده هيبقى مانع ولا سد
تعالى نتعاهد مع بعض
ونحط الإيد علي الإيد
نعمر ونخضر بإراداه
وعزم وقوة من حديد
و نرجع الأمانى إالى كانت بعيد
و نقضى ونبعد عن الجهل العنيد
إجرى يا مصري و أوعى تمل
إطلع للنور وإياك تعيش فى الضل

الأمل بستان مفروش ورد و فل
والوطن حُضن آمان يساع الكل
بخطوه ب يبدأ مشوار الألف ميل
وبالإرادة والإيمان مفيش مستحيل
العلم والعدل هما الطريق والسبيل
لفجر مشرق مي جيش من وراه ليل

* * * * *

مش عایزك □□

مش عايزك تعرفي
ولا عايزك تتعطفي
ولا من مرار عذايي تشربي
ولا من نار حرمانى تجربي
وانا لوحدي هادفع الضريبة
وان اللي عملتبه فيه مش خطيئة
قلب من حرمانه خلاص إرتوى
وجرحى مالوش لا طب ولا دوا
خليكي مصدقة وموهومة
انك ضحية ومظلومة
اوعى تفوقى من الغيبوبة
ولا تحسى انك ليه محقوقة

مش هاجيب لحد سيرة
وخليكي مقتنعه انك بريئه
بدأت الرحله لما عيني جت ف عينه
وسلم عليه وايدي لمست ايديه
وقلبي حلفى إنه مش هيكمل إلا بيه
وطريقي مش هيحلى لو مارسمليش خطوايه

* * * * *

□□ مش هقولهم

مش هاقولهم انك بتحاولي تكلميني
مش هاعرفهم انك لسه بتحبيني
هاضحى واسيبك تجرحيني
وقولي اني سيبتك مش انتي اللي سبتيني
كملي حياتك متخافيش
سرك هيفضل معايا وهيعيش
عرفتي الحقيقة او معرفتيش
الواقع بيصعب وانتي ماتغيرتيش
سؤالك عليه دلوقتي متأخر
حلمي الوردي خلاص ضاع واتكسر
وعمري كله راح و اتبخر
واللازما ما يرجعش تاني بعد ما يتكسر

كملي حياتك متخافيش
سرك هيفضل معايا وهيعيش
عرفتي الحقيقة او معرفتيش
الواقع بيصعب وانتي ماتغيرتيش

* * * * *

نزيف العمر □□

وازاى اءاوى نزييف العمر؟
وانا لسه غريق فى لىالى الهجر المر
وحىاتى سفينة مش لاقىالها بر
وقلبى أسير مش قادر يرجع حر
يعنى هى ده ضريبة الإخلاص
انى اكمل مقتول بوجع الاحساس
واكون فى حىاتى عايش وخلاص
تايه وضايغ بين ملايين الناس
وازاى اءاوى نزييف العمر؟
وانا عايش فى الماضى والايام بتمر
ناحية الهم باتسحب و اتجر
وحىاتى مبقاش فيها حاجه تسر

يعني هي ده ضريبة الإخلاص
اني اكمل مقتول بوجع الاحساس
و اكون في حياتي عايش و خلاص
تايه وضايح بين ملايين الناس

* * * * *

□□ قرار

قرار آديكي خدتيه
وعايشة ندمانه عليه
عذبت نفسك
وعذبتني اللي قولتي انك بتحبيه
كان عند وخلص ولا كان ايه
كان وهم عشش في خيالك وصدقته
ده اللي كانت مؤمنه اوي بالحب
وقالت ما اقدرش اعيش
بعيد عن حبيب القلب
سابته ضايع وتايه من درب لدرب
مش عارف ان كان هو الغلطان
ولا مالوش ذنب

محدث نبهها غلط اللي انتي هتعمليه
مش بعيد يكونوا قالوا يستاهل دوسي عليه
حبيبك الصادق بالتمثيل اهتمتيه
وانتي مع الناس عكس اللي بتبينيه
ده اللي كانت مؤمنه اوي بالحب
وقالت ما اقدرش اعيش
بعيد عن حبيب القلب
سابتة ضايع وتايه من درب لدرب
مش عارف ان كان هو الغلطان
ولا مالوش ذنب

* * * * *

□□ يوم ما عرفت

یوم ما عرفت انی ظلمته
کان ابشع یوم فی حیاتی عیشته
یوم ما شوفت ازای انا کسرتہ
وعرفت ازای انا دوست علی قلبہ
عشاق کثیر بیصبروا علی حبایبہم
حتی لو فاتوہم بیفضلوا فاکرنہم
وما بقدروش یکملوا الحیاء من غیرہم
عشاق نادرین فی وفاؤہم
سکوته کان هموم عنها ییبعدنی
نظراتہ کانت اشواق بتحضنی
حاجہ جوایا کانت تملی بتحذرنی

انه بيحبني و مش ممكن يبيعي
وفي عشاق تانيين ما بيشوفوش قدامهم
بيبقوا قاسيين في ردة افعالهم
ما بيسمعوش صوت قلوبهم
بيدمروا حياتهم و حياة غيرهم

* * * * *

عنادنا □□



شوفي لفین وصلنا عنادنا
ضیعناه بایدینا حلم حیاتنا
عایشین ومش راضیین بعشیتنا
الدموع ما بتفارقش عیونا
کل واحد فینا کان فاکر
التانی اتخلی عنه
کل واحد فینا کان مستنی التانی یقربلوه
شوفي لفین وصلناه عنادنا
ضحینا عادی بسعادتنا
ما حاسبناش صح حاسبتنا
مع ان کل حاجه کانت باینه قدامنا
کل واحد فینا کان فاکر
التانی اتخلی عنه

كل واحد فينا كان مستني الثاني يقربلوه
مش مصدقين اننا مش مع بعض
و اننا خلاص مش هنكون لبعض
ومعادش ينفع نرجع لبعض
ولا نقدر نكلم او نشوف بعض
كل واحد فينا كان فاكر
الثاني اتخلي عنه
كل واحد فينا كان مستني الثاني يقربلوه

* * * * *

بقالها بيت □□

بقالها بيت عايش غيري معاها فيه
ده اللي كانت بتقول يا ريت
القدر يجمعني بيه
عقلي ما قبلش ان ليها بيت انا مش فيه
خيالي ما وصلش ان حد تاني ممكن تناديه
خايفة علي بيتها مني
مش حاسه ان بيتها ده بيقتلني
وهيفضل حاجز يعذبني
وبمرار الحرمان هيلوعني
لما اتاخرت افكرتك اتخليت عني
فكان لازم ارد عليك بطريقتي
ويموت الحب لكن يعيش التحدي
ومش مهم نضيع المهم انها تعاقبني

كان لازم اعاند واعمل بيت
بعد ما سيبتني ومشيت بعيد
كان نفسي يا حبيبي تكون معاه في البيت
ده انا عايشه وخلص
وقلبي في بعدك مش سعيد
هما دول الكلمتين اللي قالتهم
وضعت حياي لما استنتجتهم
ومشاعري جوه النار حطتهم
واحلامي وغرامي بسهولة داستهم

* * * * *

حرمي □□

حرمني من كل حاجه حلوه
كان نفسي اعيشها معاه
سابني تايه لسه باحبه ومش قادرة انساه
صورته قدامي وعذايي ان عينيا مش شايفاه
غاب وهو عارف
ان سعادتني مش هالاقبها الا معاه
للدوجة دي كان حبي حمل ثقيل عليه
للدوجة دي كان ارتباطنا امل بعيدة اراضيه
للدوجة دي كانت الدنيا صعبة وملخبطة حواليه
للدوجة دي كان بيتعذب وانا محستش بيه
روحت اشوفه واسأل عليه
اشوفه ازيه عامل ايه

يا تري ايه اللي اتغير وبان عليه
نسي الحب ولا لسه مالي عينيه
لقيته عايش وخلص
مش طايق نفسه ولا طايق الناس
عايز يبطل نبل وإخلاص
مات جواه الامل والإحساس

* * * * *

□□ ليك حق

ليك حق تبقي مش عايز تعرفني
ليك حق تبقي مش عايز تسمع اسمي
جرحتك جرح صعب يعدي
وما ينفعش اقولك اسفه
او كان غصب عني
كنت عارف وانا باعاندك
اني مش هالاقى الحب بعدك
مع ذلك كملت وضيعتك
وروحت لغيرك بدل ما اجي عندك
ليك حق تبقي مش عايز تشوفني
ليك حق تبقي مش قادر تسامحني
رميتك في نار كل ما بتتخيلني
قلبي معاك وغيرك في حضني

اتهمتكَ انك خنتني وانا اللي خنتك
قولتلك كسرتني وانا اللي كسرتك
عايرتك انك خسرتي وانا اللي خسرتك
قولتلك إنساني وانا علي طول بافتكرك

* * * * *

□□ مرت السنين

مرت السنين ولسه حبه عايش جوايا
يا تري ظلمني ولا انا اللي جيت عليه
يوماتي باحلم انه جنبي ومعايا
صحيح سابني لكن حاسه اني جرحته
لسه مصدق انه ضحية مش اناني
ومش حاسس انه ضيعني ودمر حياتي
خد ركن بعيد وغاب عن عيني
ما عرفناش نحافظ ع اللي بينه وبينني
يا تري يومها عامل ازاي
ضحك ولعب واغاني
وغرام وهيام مش معايا مع حد تاني
لسه مصدق انه ضحية مش اناني
ومش حاسس انه ضيعني ودمر حياتي

اخر حاجه كنت اتوقعها
اني اعيش ضايح بسببها
ويكون حرماي بموافقتها
وعذابي ماكنش في حساباتها
لسه مصدق انه ضحية مش اناني
ومش حاسس انه ضيعني ودمر حياتي

* * * * *

□□ ما حسش بیا



اذا كان محسش بيا زمان
هيحس بيا دلوقت؟
فرق وحيد بين زمان وبين دلوقت
ان الامل كان عايش زمان
لكن مات دلوقت
والحب اللي كان مولع زمان
انطفأ دلوقت
لسه شايفني وفاهمني غلط
حتي واحنا كل واحد فينا في بلد
قلبي نزل من السما وهبط
اتكسر واتحطم زي البيت الهدد
اتوهمت انه اتعلق جامد فيا
واني بقيت حياته اللي راحت واللي جايه

وان قلبه انشغل خالص بيا
وانه من يوم ما عرفني
بيشوف الدنيا بعينه
كنت حاسس اني صغير ولساني اتربط
واي محاولة للرجوع تضييع للوقت
الصددمات ملاحقه قلبي وفيها اتخبط
شغاله مابتفصلش طول الوقت

* * * * *

ازاي نقدر نهرب □□

ازاي نقدر نهرب من المقدر والمكتوب
صعب جرح الحبايب للقلوب
ازاي بعد ما عشقنا هنقدر نتوب
ازاي هننسي بعد ما دوبنا دوب
ليه حطونا في سكتهم
واختاروا غيرنا يكمل طريقهم
ليه شدونا ناحيتهم
وبعدين رمونا بعيد عنهم
سألت ناس كتير نفس السؤال
انهي جرح امر
جرح الإنسان ولا جرح الزمان
قالولي لما تعشق هتعرف جواب السؤال
ولما عشقت لقيت العشق ناره أشكال وألوان

عاشونا في الماضي وحياتنا بقت بالمقلوب
وريناهم الشروق وفاتونا في الغروب
ضيعوا حياتنا وخلوها بالمقلوب
وازاي وانا مظلوم ومغلوب
ابقي متهم اني عملت من الغرام ملعوب
اكثر حاجه وجعتني منهم
لما عرفت اني رخيص اوي في نظرهم
وانه عادي لو اتقطع قلبي قدامهم
قلبي اللي فتحلهم بابه وقاعدهم

* * * * *

□□ بعتي حبيبك

بعتي حبيبك وضيعتیه
لحظة ما ايديك سابت ايدیه
واخترتي طريقي تاني تمشي فيه
ولما خسرتي رجعتي تلومیه
بتقولي فينك دلوقتي يا حبيبي
وحبك ليا علي فين وداك
لسه بتقولي باتمناك تكون نصيبي
ولسه باحلم بيك واستناك
جرحتي حبيبك ودمرتیه
لما اديتي لغيره اللي ليه
ولا جيه في بالك تشوفيه
وانتي مع غيره بالخيانة بتتهميه

بعد الجراح وبعد اللي راح
وبعد سنين عايشها مش مرتاح
جيه يشوفني ثواني من بعيد
ويحكّم عليه تاني وبرضو من بعيد

* * * * *

طول الوقت □□

طول الوقت كنت فاكراها حاسه بيه
وهي طول الوقت تفكيرها في حته تانيه
غلبها ظننها وشكها فيه
قررت تبعد من غير ما تسأل عليه
كل اللي يهمها مين فينا اللي غلطان
كل اللي فارق معاها مين فينا اللي طلع خسران
ومستحيل تصدق انه كان مظلوم وتعبان
حتي لو جابولها صناديق ذهب ومرجان
طول الوقت كنت مراهن علي حبها ليه
وان مفيش واحده مخلصه زيها و وفيه
وانها هتستناني بدل السنه ميه
وانها مش هتقدر تعيش بعيد عن عينيه
لكن طلعت موهوم وغلبان
عايش في دنيا اللي زي انقرض فيها من زمان
سنين ضاعت وانا في التوهان
ولما فوقت كان متحرم عليه النسيان

□□ صفحة في حياتي

صفحة في حياتي وانطويت
كل أحلامي جواها اتكسرت
واوهام خلت كل حاجه اتبدلت
وجراح علي مقاسي اتفصلت
لسه يا قلبي مش مصدق انه باعك
ولسه بيتهيا لك انه هيجي ويقف قدامك
وتشوف وتقرأ في عينيه اشتياقك
ومحدثش في حياته ممكن يكون بدالك
صفحة في حياتي كانت حلوة في عنوانها
ومتعبه في كل سطورها وكلماتها
مفيش حاجه في الألم والا كتبتها
لا عارف اقفلها ولا لاقى نهايتها
اصحي يا قلبي وفوق من اوهامك
لو كان بيحبك كان زمانه اختارك
مش حاسس ان غلطته وراها ضياعك
ده بس لما خسر رجوع يقول محتاجك

□□ خالفت قلبي

خالفت قلبي ومشيت بعيد
خسرت حبي بقرار عنيد
محدث فينا عايش سعيد
احنا الاتنين تحت التهديد
مش قادرة اكمل من بعده
ولا عارفه اعيش في بعده
ياريتني ما كنت سيبتوه
كان هيحصللي ايه لو سألتوه
حاسه اني جوه قضبان حديد
معاه هو عرفت طعم الجديد
جرحي كبير ووجعي شديد
و رجوعنا بقي مستحيل اكيد
قالهالي قلبي وخالفته
اترجاني ومارضتتش اسمعلوه
قالي ده روجي ولازم ادافع عنه
لكن دوست علي قلبي وفرمته

مسحت النمر □□

مسحت النمر اللي حاولت تكلمني منها
ليه رنت عليه من أرقام غريبة مش من نمرتها
لاني بقيت غريب وماليش مكان في حياتها
قطعت كل اللي كان يربط بيني وبينها
لو قابلتيني هتقولي للناس ايه عني
هتقدرى تقوليلهم ده حبيبي وحب عمري
ولا هتخافي حد يشوفني ويعرفني
ويسألوك ليه مكمناش انا وانتي
مش عارف ازاي قدرت تعملها
ازاي هونت عليها وازاي ضحت بسعادتها
ازاي بسهولة غيرت طريقها
كأني ولا حاجه بالنسبالها
رحلة عمري خلصت بدري
لان من يومها و مفتوح جرحي
ومقدرتش حاجه تسكن المي
ولا جديد يبدل او يقلل وجعي

□□ ما قدرتش ارد علیها

ما قدرتش ارد عليها
ما اني لسه بحبها وروحي فيها
مصدوم ومش في وعي من يومها
ولسه فاكر نظرة الشك في عينيها
ضربتني ضربة شديدة
مش مصدق انها واقع وحقيقة
وان أحلامي بقيت غريقة
وسنيني كلها ضيعتها في دقيقة
مشيت و قلبي بينداهاها
سكت وما قدرتش اصارحها
بحبك لا قولتها ولا سمعتها
وبسرعة خرجتني بره حياتها
حاجات كتير في الحب مش قادر افهمها
بنعملها وعارفين انها غلط وبنكررها
وما بنلاقيش فرصة نرجع ونصحها
ما بنحسش بالحاجة الا لما بنضعها

معقولة □□

معقولة تكون بتكرهني
ده حبك هو اللي مصبرني
مش كفاية بعدك عني
وقلبي اللي من يومها مخاصمني
عارفة انك زعلان مني
بس كنت أعمل إيه قولي
انت الي سيبت شكي يقتلني
وخليتني ادخل ضدك في تحدي
معقولة مش عايز تشوفني
مش واحشاك زي مانت واحشاني
واخد علي خاطر ك مني
وبتسال ازاي بسهولة كده تبيعني
ما نتش قادر تسامحني
ما انت اللي مشيت يا هاجرني
لسه بتحلم بيه وعايزني
مش عارف تنساني ولسه فاكرني

□□ مشاني طريق

مشاني طريق ماتخيلتش اني امشيه
وخلاني اكمل مشوار رجليه غرزت فيه
طول السكة باسال نفسي كل ده ليه
ده جزاتي اني حبته وكنت بخاف عليه
بعد ما شوفت في حبه الويل والعذاب
قالي محدش ضريك علي ايديك
ده لو يعني مكنتش كادب
يبقي معادش له لزوم اللوم ولا العتاب
ما خلاص الحكاية خلصت واتقفل الباب
تعبت نفسي وفي الاخر خد ايه
راح لغيري واتهمني اني لعبت بيه
يسأل عليه ليه هو انا ابقالوه ايه
حبيبه يبقي عادي لما للاوهام يرميه

مع كل رمشه وطرفة عين
اسال فين عمري والاقى تعويض عنه فين
مش عارف الاقيها من مين ولا مين
من اللي حوالياه ولا من ماضيه
يا تري فعلا ده مش عصري
ولا لازم اساير و اغير من نفسي

* * * * *

تحيي □□

دخلت معاه في تحدي
اني اقدر اعيش من غيره
خد قراري من بدري
ان دموع الندم مش هتفارق عينه
كنت مصدقة انه باعني
انه ما حسش بقلبي وحيي
كنت موهومه انه خدعني
وان الوفاء كان بس من طرفي
عارفة اني غلطانه
عايشه ضايعه وندمانه
قدام الناس ببان فرحانة
لكن حياتي متدمره وتعبانه
سكينة الانتقام سرقطني
مكنتش شايفه غير جرحي وكرامتي
مالقتش صاحبه نصحتني
ولا حد حد قالي اهدي واستني

□□ ما عادلوش لزوم

ماعدلوش لزوم العتاب او اللوم
بعد ما سابني تحت سماه كلها غيوم
طالما مش حاسس يبقي ليه عليه الوم
بعد ما ضيع مني بكره و امبارح واليوم
كان ممكن اتحمل عشر مرات قد اللي قاله
لو كان لسه ما اخترش شريك غيري لحياته
لو كان ساب الأمل عايش ماقلش بابه
لو كنت فارق معاه ويهمه افضل قصاده
عيني ما بدوقش طعم النوم
عامل زي غريق مايعرفش يعوم
بتزيد عليه الآلام والهموم
والذكريات الحزينه متجمعه في اليوم
صدق انه ضحية وثبت عليه اتهاماته
لا خلاني انساه ولا عرفت الاقي بداله
هدم الحب وحبسني تحت انقاضه
ودلوقتي مستغرب اني ما بردش علي مكالماته

سعيدة معاه □□

عائشه سعيده معاه
كل اللي اتمنيته لاقيته وياه
عائشه وقلبي عائش بهواه
وحلمي وحلمه مع بعض حققناه
كنت خايفه اعيش وخلص
واكمل حياتي وماقابلش الحب
لكني عائشه أجمل إحساس
من يوم ما شوفته ولسه بيدق القلب
احلي حاجه حصلت لي كانت يوم لقاءه
حسيت أحاسيس اول مرة احسها في الحياة
حسني اني ملكة محتاجلها وانا محتاجاه
حقيقي خطفني وحسيت اني انا كمان خاطفاه
عالم تاني عيشتي فيه وانا بس اللي شايفاه
كل اللي حواليه عرفوا اني بجنون حباه
طريقنا اللي بدأناه هيكمل زي ما رسمناه
كل يوم باقول الحمد لله وهافضل شاكره

□□ ما کنتش اعرف

ما كنتش اعرف اني هاعيش وصورته
مش هتفارق لحظة خيالي
ما كنتش اعرف اني هاشوفه
في كل حاجه حواليا و قدامي
زيها زي اي بنت كانت مستنياه
تسمع من حبيبها انها احلي بنت
ويقولها انه ميقدرش يعيش من غيرها
ولا يقدر يعيش مع غيرها
لكنه مقدرش يروحها
ومقدرش حتي يقولها
عشان كده خدت في وشها
ودمرته ودمرت نفسها

نظراتها أيام الوداع
كانت كلها شك أن قلبي باع
رسمت بيهم سكة الضياع
وليل غربة مليان دياب وضباع
ما كنتش اعرف اني مش هانساه
وهيفضل شاغلي بالي
ما كنتش اعرف ان حياتي
هتبقى صعبه وهافضل اتندم علي حالي
كان صعب عليه امشي وانا شايف عينيها بتندهني
وسامع قلبها بيحلفني اوعى تمشي خليك جنبي
حياتي هاعيشها ازاي لو منك هتحرمني
سعادتي في قربك وسعادتك في قربي
نظراتها أيام الوداع
كانت كلها شك أن قلبي باع
رسمت بيهم سكة الضياع
وليل غربة مليان دياب وضباع

عيد الحب □□

عيد الحب بقي يوم مش عشاني انا
بقي يوم واحد تاني اديتلوه هي مكاني
من غير ما تسأل ولا تعرف مالي
كانت بتعاقب قلبي وباتتهمه انه اناني
قلبي اللي باخلاص حبها
ومقدرش حتي يصارحها او يقولها
ضيعت كل حاجه بعندها
وهدمت الحكاية كلها
عيد الحب بالنسبالي بقي ذكري حزينه
باشوف فيها عمري اللي ضاع وقلبي اللي اتباع
سنه فاتت من عمري لسه فاكروه مش بانساه
وسنه جايه لسه هاتعذب في هواه

مش عارف زعلان مني ليه
لما رجع يكلمني ومردتش عليه
مع انه كان مجنون بحبه ليا
لكن عمر ما احساسه وراه اللي فيا
عيد الحب بالنسبالي بقي ذكري حزينه
باشوف فيها عمري اللي ضاع
وقلبي اللي اتباع

* * * * *

□□ كان هيجري إيه؟



كان هيجري ايه
لو كنت استنيت شويه عليه
بدل العذاب الل انا عايشه فيه
واللي انا ولا هو قادرين عليه
غلط غلطة كبيرة في حق نفسي
لما سيبتته واتاريني بيعت نفسي
ومهما صرخت مش هيسمع حسي
لاني اختارت اسمي مايكونش ورا اسمه
كان هيجري ايه
لو كنت سألتته مالك في ايه
و كنت سيبت الباب مفتوح ليا وليه
ازاي لغيت قلبي ودوست عليه
غلط غلطة كبيرة في حق نفسي
لما افكرت ان الانتقام هو معركتي
واني مش هاخسر زي ما اتهيألي
لكني خسرت لانه حبيبي مش عدوي

□□ يقول اللي يقوله

خليه يقول اللي يقوله
ما راح العمر بعرضه وطوله
ومات الحب بشجنه وجنونه
خليه مصدق شكه وظنونه
بتهمني اني نسيت شكله وصوته
واني مش باحبه ولا عايز اشوفه
و لو عرف انه كان غلطان في ظنونه
بقي مستحيل رجوعي ورجوعه
هاسمع من تاني كلمتين
ما انا عايش باللي قالوه من سنين
كلام زي الخناجر زي السكاكين
وياريته قاله وهو وحده
مش وهو مع ناس تانيين
بتهمني اني نسيت شكله وصوته
واني مش باحبه ولا عايز اشوفه
و لو عرف انه كان غلطان في ظنونه
بقي مستحيل رجوعي ورجوعه

راجعة □□

راجعة تشتكي مني
ازاي بيحبني وقدر يبعد عني
علي الأقل كان قالي قبل ما يسبيني
انا تعبانة وانت بعيد عن حضني
خايفة اظهر تاني في حياتها
خايفة تنكشف وتتعرف ذكرياتها
بقي هي ده اخرتها
أكون شبح بعد ما كنت حبيبها
راجعة تلومني وتعاتبني
وهي مع غيري بالغدر بتتهمني
صدق انها ضحية مش هي اللي قتلتي
وانها وفيه ومش هي اللي باعتني
خايفة اظهر تاني في حياتها
خايفة تنكشف وتتعرف ذكرياتها

بقي هي ده اخرتها
أكون شبح بعد ما كنت حبيبها
شافتني ثواني من بعيد ومشيت
وحكمت عليه تاني وبعد كده نسيت
لسه فاهمه انها هي بس اللي تعبت
عشان كده مفيش حاجه هاتتغير
حتي لو عرفت
خايفة اظهر تاني في حياتها
خايفة تنكشف وتتعرف ذكرياتها
بقي هي ده اخرتها
أكون شبح بعد ما كنت حبيبها

* * * * *

□□ مش هصح صورتي

مش هاصح صورتي
ولا هادافع عن نفسي
لان حتى لو ظهرت براءتي
اللي راح من عمري مش هيرجعلي
اللي بيحبوه كتير وكلهم في حبه عايمين
وفي بحر غدره غرقنانيين
ادي اللي كنت فاكرهاه حبيبي
واللي كانت بتقول انها اكثر من روحها حبتني
وانها كانت مجنونة بيا وطايره بحبي
ومتقدرش تعيش لحظة في بعدي
اللي بيحبوه كتير وكلهم في حبه عايمين
وفي بحر غدره غارقنانيين
اول ما استوقيت داست علي قلبي
وأول ما عاندت وقفت ضدي
وراحت لغيري بدل ما تروحلي
وبدل ما ترفعني خططت تهدمني
اللي بيحبوه كتير
وكلهم في حبه عايمين
وفي بحر غدره غرقنانيين

□□ ألم طول الوقت عايش بيه

ألم طول الوقت عايش بيه
لا قادر اسكنه ولا قادر اهديه
بتسالي مشيت يا حبيبي ليه
وسيبتها لحضن بيضمها بين ايديه
مش قادر اصدق اني غيري ساكن بيتها
وعقلي مش متصور ان حد تاني بيشاركها حياتها
معقولة بسهولة قدرت تخرجني من دنيتها
وهي عارفه ان الفرصة مستحيل
بعد كده نقدر نرجعها
النسيان مش عارف الاقيه
والشوق بيزيد ومش قادر اداريه
واللي فات واقف عنده ومش باعديه
ومرارة الحرمان مع عذاب لياليه

ما شفتش الي حصللي بعينها
ما كلمتهاش لكن بعيوني قولتها
استعجلت واستنتجت قرارها
دمرت حياتي وعلي طول نهيتها
كانت واقفه ومستنيه
ومشاعرها كانت صافية ووفيه
لكن مالقيتش طريقة تانية
تحافظ ع الحلم وتخليه عايش شويه

* * * * *

□□ ظلمته ونسيته

ظلمته ونسيته
بدل ما احتويه اتحديته
في نار البعد رميته
وفي صميم مشاعره اذيته
اتهمته انه كذب عليه
وان حبه كان تمثيله
وان خاني وغدر بيه
وانا اللي صادقة ووفيه
في طريق الشقا والوجع مشيته
وبنيت جسر للحرمان بيني وبينه
وجوه دوامة الاحزان حطيته
وحلمه اللي كنت بطلته بأيدي هديته

لا ريحته ولا دوايته
ولا من قلقه وسكوته شديته
ما صبرتش عليه ولا استنيته
ما دام مشي يبقي ما حبنيش زي ما حبته
حملته نتيجة اختياري
وانه سبب تعاسي وعذابي
وانه هو اللي كان ورا قراري
قرار ضاعت من وقته حياتي
ماجاش في بالي وانا باخد قراري
اني باضيع باقي عمري وباعلن انهيار
وبعد ما فاتت سنين لقيته واحد تاني
عيونه دبلت وتلومني انه مش عارف ينساني

□□ مایهمنیش

میهمنیش أعرف هو مین
ولا یهمنی إمتی وإزای وفین
یهمنی قلبی وعشقی المخدوعین
وسنین عمری إلی راحوا ومش راجعین
لسه فاكر یوم ما خان و باع
كانت لحظه قال فیها كلمه وداع
حبه جسر بین السراب والخداع
وبعده مشوار عذاب وتعب وضیاع
و تغیرت فجأه ملامح آیامی
والدموع بقت أعز صحابی
والحزن وقف وخبط علی بابی
و الألم حلف ما ینسانی
ومش عارف یا قلبی
هتفضل لإمتی تبکی وتعانی

بقی غریب عنی
مدام مرضیش بحضنی
بقی غریب عنی
طالما هان علیه قلبی
بقی غریب عنی
أول ما فکر یبیع حبی

* * * * *

" بما سيستفيد المٌتهم البريء إذا ظهرت براءته بعد
تنفيذ حُكم الإعدام فيه؟ "
لقد تم إجهاض أي محاولة لإرجاعه!!

المحتويات

٥	ابني يا مصري.....
٦	تعالى نتعاهد مع بعض.....
٨	مش عايزك.....
١١	مش هقولهم.....
١٤	نزييف العمر.....
١٧	قرار.....
٢٠	يوم ما عرفت.....
٢٣	عنادنا.....
٢٦	بقالها بيت.....
٢٩	حرمني.....
٣٢	ليك حق.....
٣٥	مرت السنين.....
٣٨	ماحسش بيا.....

- ٤١..... ازاي نقدر نهرب
- ٤٤..... بعتي حبيبك
- ٤٧..... طول الوقت
- ٤٩..... صفحة في حياتي
- ٥١..... خالفت قلبي
- ٥٣..... مسحت النمر
- ٥٥..... ما قدرتش ارد عليها
- ٥٧..... معقولة
- ٥٩..... مشاني طريق
- ٦٢..... تحدي
- ٦٤..... ما عادلوش لزوم
- ٦٦..... سعيدة معاه
- ٦٨..... ما كنتش اعرف
- ٧١..... عيد الحب
- ٧٤..... كان هيجري إيه؟
- ٧٦..... يقول اللي يقوله

- ٧٨ راجعة
- ٨١ مش هصح صورتي
- ٨٣ ألم طول الوقت عايش بيه
- ٨٦ ظلمته ونسيته
- ٨٩ مايهمنيش



002 - 01061635162

002 - 01503570075

ranyhmtwlyblat@gmail.com



جرمني من كل حابه حلوه
كان نفسي اعيشها معاه
سابني تايه لسه باحبه
ومش قادرة انساه
صورته قدامي وعذابي ان
عينيا مش شايفاه
غاب وهو عارف ان سعادتني
مش هالاقبها الا معاه

د. باسم سمير



تصميم منى شومان

002 - 01061635162
002 - 01503570075

ranyhmtwlyblat@gmail.com